



ՀԵԼՍԻՆԿՅԱՆ ՔԱՂԱՔԱՅԻԱԿԱՆ ԱՍԱՍԲԼԵԱՅԻ  
ՎԱՆԱԶՈՐԻ ԳՐԱՍԵՆՅԱԿ  
HELSINKI CITIZENS' ASSEMBLY  
VANADZOR OFFICE

2001 Հայաստանի Հանրապետություն,  
Վանաձոր Տիգրան Մեծի պողոտա 59  
59 Tigran Metsi st.  
Vanadzor, 2001, Republic of Armenia  
Tel. (հեռ.) (374 322) 4 22 68  
Fax (ֆաքս) (374 322) 4 12 36  
E-mail: [hca@hca.am](mailto:hca@hca.am)

Ե/2014- 02.10/392  
02.10.2014 թ.

ՀՀ գլխավոր դատախազ  
Գ. Կոստանյանին

Հարգելի պարոն Կոստանյան,

2014թ. սեպտեմբերի 28-ին իր որդու՝ Էրիկ Էքսուզյանի իրավունքների պաշտպանության հարցով Կազմակերպություն<sup>1</sup> է դիմել Լոռու մարզի Դսեղ գյուղի 6/36 հասցեի բնակչուհի Ինգա Վահանի Կիրակոսյանը:

Կազմակերպությանն ուղղված դիմումով Ի. Կիրակոսյանը հայտնել է, որ 2004թ. մայիսի 26-ից որդու՝ Էրիկ Արթուրի Էքսուզյանը կրծքավանդակի շրջանում նկատվել է գոյացություն, որի վտանգավորությունը պարզելու համար Ի. Կիրակոսյանը որդուն տեղական պոլիկլինիկաներում հետազոտությունների է տարել, սակայն այնտեղ հայտնել են, որ կարիք չկա անհանգստանալու, որևիցե լուրջ խնդիր չկա, և նա միջոցներ չի ձեռնարկել:

2005թ. դեկտեմբերին որդու վատ զգալու պատճառով նրան տեղափոխել է Երևան Սուրբ Աստվածամայր բժշկական կենտրոն, որտեղ հայտնել են, որ ողնաշարի վիրահատության անհրաժեշտություն կա:

2005թ. դեկտեմբերի 9-ին Սուրբ Աստվածամայր բժշկական կենտրոնում վիրաբույժ Ռոբերտ Իվանիչի և նեյրոխիրուրգ Մակար Մարտիրոսյանի կողմից կատարվել է Է. Էքսուզյանի ողնաշարի կրծքային հատվածի վիրահատություն:

2008թ. երեխան սկսել է քայլել, սակայն վերջինիս մոտ նկատվել է ողնաշարի թերություն:

2010թ. Ի. Կիրակոսյանը որդուն տարել է Սուրբ Աստվածամայր բժշկական կենտրոն, որտեղ կատարված հետազոտման արդյունքում պարզ է դարձել, որ Էրիկ Էքսուզյանի մոտ առկա է կիֆոզ հիվանդությունը և անհրաժեշտ է եղել անհապաղ վիրահատություն:

Կազմակերպությանն ուղղված դիմումում քաղաքացին հայտնել է, որ Սուրբ Աստվածամայր բժշկական կենտրոնի բժիշկ Կարապետ Մոմջյանը, ստանալով երեխայի մոր

<sup>1</sup> Հելսինկյան Քաղաքացիական Ասամբլեայի Վանաձորի գրասենյակ

համաձայնությունը, իրականացրել է վիրահատություն, հույս հայտնելով, որ վիրահատությունից հետո, երեխան կսկսի նորմալ քայլել:

2011թ. Էրիկ Էքսուզյանը սկսել է քայլել սայլակով, սակայն որոշակի բողոքներ է ունեցել մեջքի շրջանում:

Ի. Կիրակոսյանը կրկին անգամ որդուն տարել է վիրահատությունը կատարած բժշկի մոտ, ով գնություն կատարելու արդյունքում հայտնել է, որ անհրաժեշտ է կրկին վիրահատություն և պետք է ողից ոսկորի մի մաս վերցնի, որպեսզի ամրացնի ողնաշարը, որ նորից կիֆոզը չկրկնվի:

Ըստ Ի. Կիրակոսյանի կազմակերպությանն ուղղված դիմումի՝ կատարված վիրահատության արդյունքում Էրիկ Էքսուզյանը մինչ օրս ընդհանրապես չի քայլում, նրա վիճակը ծայրահեղ ծանր է:

2013թ. վերջինս որդուն կրկին անգամ տարել է նույն բժշկի մոտ, որն էլ հայտնել է, որ անհրաժեշտ է կրկին վիրահատություն անհրաժեշտ է ողնաշարին կոնստրուկցիա հավաքել, որը արժե 6000 ԱՄՆ դոլար:

Կատարված վիրահատության արդյունքում Է. Էքսուզյանի առողջական վիճակը չի վերականգնվել, ավելին՝ օր օրի նրա առողջական վիճակը էլ ավելի է վատանում:

Ըստ Ի. Կիրակոսյանի Է. Էքսուզյանի ներկայախա առողջական վիճակի միակ պատճառը ոչ ճիշտ բժշկական միջամտություն է, որը կատարել է Սուրբ Աստվածամայր բժշկական կենտրոնի բժիշկ Կարապետ Մոմջյանը:


Ելնելով վերոգրյալից և հիմք ընդունելով Ձեր լիազորությունները դիմում եմ Ձեզ համապատասխան միջոցներ ձեռնարկել Էրիկ Էքսուզյանի խախտված իրավունքները վերականգնելու, սույն գործով մեղավորներին բացահայտելու և համապատասխան պատասխանատվության ենթարկելու համար:

Հարգանքով

կազմակերպության նախագահ՝

Կատարող՝ Ա. Զալյան

azalyan@hcav.am



Արթուր Սարունց